

tiam & experientiam ac avaritiæ inimici deprehensi ad hoc electi sunt. *Exod. 16. v. 21.* Quæ cum ita sint, nemo puto inficias ibit, crimen barattariæ reipublicæ admodum perniciosum esse, quapropter dum illud plusquam frequens nostris temporibus animadverterim constitui, hanc materiam pro virili loco disputationis inauguralis enucleare, eamque publico Eruditorum examini subjicere: Ut vero eo commodius hoc fieri posse, methodum huic nobilissimæ reipublicæ perutili ac summe necessariæ materiæ pertractandæ adhibui juridicam quam Imperator in tractandis Institutis observavit §. fin. *Inst. de I. N. G. & C.* proponens sc. primo personas committentes crimen barattariæ, secundores, ob quas seu quarum intuitu personæ hoc crimen committunt, & tertio actiones, quibus crimen hoc commissum persequendum & coercendum. Te autem Benevole Lector, quisquis fueris, maximo oro opere, ut dissertationem hanc Academicam, chartaceum hoc munusculum eo suscipias vultu, quo quolibet literis bonæque menti ingenuitantes excipere dignaris: Faxit Ter Optimus DEUS, cuius singulare adjutorium in omnibus actionibus non minus, quam etiam in dissertatione hac conscribenda & adornanda sentio, ut quicquid hic operæ consignatum, immensam Dei gloriam magnificet, in cujusque vitio & crimine hoc haecenus commaculati emendationem æque ac patriæ emolummentum vergat nec non dilectissimi Domini mei parentis spem & desiderium adimpleat.

SECTIONIS PRIMÆ

TH. I.

Antequam igitur argumenti hujus dissertationis explanationem aggrediar, non abs rejudicavi, quid de vocabuli significatione & acceptione statuatur, præmitte-

mittere arg. l. 1. ff. de I. & I. Et est vocabulum barattariae origine sua non latinum sed vel Italicum vel Gallicum, potest enim deduci vel ab Italico barattamento, quod idem est ac deceptio vel dolus, vel à Gallico baratier sive barateur, quod idem ac deceptor seu impostor, & talis dicitur barattarius qui propter pecuniam vel aliud quid, justitiam baractat, hoc est permutat. Der das Recht verdrehet/ uti Germ. loquuntur Par. de puto de Syndicatu verb. barattaria n. 8. an autē barataria, barattaria, baratteria an baracteria legatur, mihi perinde est, nec litem hanc, quia nullius momenti, meam facio, neque tam in vocabuli lectionem, quam crimen ipsum sub verbo barattariae complexum sum intentus, magis tamen conveniens crediderim, si barattaria legatur, quoniam eum derivatione Italica & Gallica magis convenit: Quod crimen in foro seculari idem fere est cum eo, quod Pseudo Theologi in foro ecclesiastico per simoniam committunt, dum sacerdotium aliaque spiritualia sibi pretio comparare intendunt t.t. X. de Simon. gravissimum enim est crimen, dona Spiritus Sancti corruptibili aestimare pretio cap. 2. extra de Simonia nec pretio sed precibus ordinandus Antistes l. 31. C. de Episcop. & Cler. hinc quoque Clericus Sacerdotium turpiter ambiens de jure Canonico privatur Sacerdotio, notatur infamia, & pecuniam, quam pro Sacerdotio dedit, Ecclesiae cuius voluit comparare Sacerdotium, vindicatur t.t. X. de Simon. Nov. 123. t. 2. §. 1. sicuti igitur Pseudo-Theologus pretio sibi sacerdotium comparans in crimen Simoniae incidit, ita quoque judices seu Magistratus committunt crimen illud barattariae vel repetundarum fœdissimum & detestabile, accipientes encœnia seu munera ab iis qui eorum potestati subsunt, qualia munera oculos judicum excœcant Exod. 23. v. 8. pervertunt verba justorum Deuteron. 16. v. 19. & improbus accipit ē sinu munus, ad pervertendum itinera juris Proverb.

17. v. 23. adeo ut omni quoque jure prohibitum omniumque rerum turpisimum sit, maximeque nefarium, illum qui iustitiae praest muneribus corrupti, *Vid. i. Sam. 12. v. 3.* & 4. Judex enim talis contra Deum, contra justitiam, contra debitum officii sui, cui tamen juramento in initio officii ejus praestito est adstrictus, contra proximum delinquit, & sic nec Deum timet, nec hominem reveretur; Ut autem progressiar, & initium mei instituti faciam, ordior à definitione hujus criminis, quod crimen barattariae sive repetundarum describitur, crimen commissum, ab eo, qui in Magistratu, protestate, curatione, legatione vel alio officio ministeriove publico accipit pecuniam; quo magis aut minus officium faciat. *I. I. pr. I. 3. & 4. ff. ad leg. jul. rep.* occurunt igitur mihi secundum definitionem & methodum primum personæ crimen perpetrantes, parum enim aut nihil prorsus esset, hanc tractare materiam, si personæ quarum causa tractetur, ignorarentur arg. *§. fin. I. de I. N. G. & C.*

II. Inter quas personas agitur secundum *d. I. I. ad L. I. Rep. de iis*, qui in Magistratu sunt constituti; ubi prænotandum, quod licet apud veteres Romanorum, differentia esset inter Magistratum & judicem, Magistratus namque jus quidem dicebat, sed judicem alium dabat *I. 3. & 13. de jurisdict. qui de facto cognosceret pr. I. 15. in fin ff. ad municip. I. 5. 12. & pen. de judiciis quando Magistratus ipse sive judicare nollet, sive aliis negotiis impeditus non posset I. 2. C. d. pedan. judic. aut humiles essent causæ, I. 5. C. eod. tamen hæc differentia per Nov. 82. sublata; nec ulla hic inter Magistratus & judices est attendenda, sed promiscue uno comprehenduntur vocabulo; Describuntur autem Magistratus, quod sint personæ à Deo datae & constitutæ, vices Dei in terra gerentes, quæ secundum legem & normam tam divinam quam humanam, divinæ tamen conformem, honesta, utilia & omnibus necessaria*

DISPUT. DE BARATTARIA.

saria præscribentem, pupillorum & viduarum causas promovent, vim omnem coercent, tenuiores ab injuriis potentiorum defendunt, & ut generaliter loquar, quæ prospiciunt accavent, ut secundum tria juris præcepta quilibet subditorum honeste vivat, alterum non laedat, cuique suum tribuat: Magistratus itaque licet boni & innocentis viri officio fungi debeant l. 4. §. 1. ff. fam. ercisc. nec quovis prætextu quamvis rationem acquirendi ad suum compendium trahere l. 6. ff. de bon. damn. neque justitiae administrandæ occasionem in turpissimum lucrum convertere l. 3. C. ad L. jul. rep. neque publicum officium privato luero accommodare l. 29. ff. ex quib. caus. maj. aut inde rem augere familiarem caus. 23. quæst. 1. c. 5. licet manus Deo & legi servare mundas, nec ullum contingere lucrum, neque majus neque minus, neque captiosum quicquam contra subiectos facere, sed contenti esse à fisco ministratis Nov. 17. c. 1. & 5. licet ab omni violentia abstinere debeant. l. 1. §. 5. C. de officio præf. prætorio Africæ licet quoque Magistratus pro se habeant præsumptionem justitiae & innocentiae l. 2. C. de offic. civ. judic. Veritas tamen saepè est in contrarium, & experientia proh dolor quotidiana, efficax rerum magistra cap. 6 de electione in sexto satis superque probat, affectus & amorem auri, saepissime oculos & aures Magistratum excœcare & obscurare, ut cæci quasi & surdi, scienter à veritatis & justitiæ via deflectant, ac multos omnino reperiri officiales, qui recipient aliquid à privato, ut faciant non facienda, vel omittant ea, quæ sunt facienda, per pr. l. 7. ff. ad Leg. jul. Rep. judicium sive justum sive injustum privato vendant caus. 14. quæst. 5. can. non sane 15. causa 11. quæst. 3. can. non licet 71. justitiam pro injustitia ^{b. C.} ianis, remunerationem permutent, leges, (Sacratissimas ini. d. 1. ult. de LL. & commercio hominum exemptas §. 7. I. de civitate vendant, & sic alienum jürgioni suam putent prædati te esse

C. b. t. adeo ut s̄epissime plus favor judicis, quam lex va-
leat in Codice.

III. Secundum locum personarum crimen barattaria
committentium tenent hi, qui in potestate aliqua sunt con-
stituti: ubi notandum, quod sicuti jus nostrum, quo utimur
bipartium est, in publicum quod sc. ad statum communem
pertinet principaliter, & consequenter ad singulorum utili-
tatem; & privatum quod principaliter ad singulorum com-
modum, secundario vero & consequenter ad totius reipu-
blicae salutem componendam & corpus universale spectat
conservandum §. hujus studii 4. I. de I. & I. l. i. §. 2. ff. eod. ita
quoque potestas dividi potest in publicam, quæ publicam
in omnes habet autoritatem, & privatam, quæ non in o-
mnes, sed ad aliquos tantum pertinet singulares, publicum
consistit in sacris, sacerdotibus, principibus, Magistratibus,
&c. Privatum vero in reliquis; De privata igitur potesta-
te prius, brevissime tamen agendum, quæ præludia ad pu-
blicam docebit, & ex qua publica, veluti ex membris com-
posita exsurgit,

IV. Ultraque tam publica quam privata potestas qui-
dem est administratoria ac gubernatrix, publica tamen plu-
rius, privata vero paucorum & constituuntur privatæ po-
testatis in personas octo species, quarum prima circa do-
mesticos, secunda in uxorem, tertia patria, quarta tutoria,
quinta curatoria minorem, sexta curatorum furiosorum,
septima curatorum prodigorum, octava dominica de qui-
bus speciebus quidem singulis tractandum esset, nisi nimia
loprolixitas me inde abstraheret, præprimis cum hæ privatæ
Deo testatis species proprie & principaliter non tendunt ad
cundum scopum, progrediendum itaque ad publicarum
divinarum potestatem.

V. Quæ potestas publica subdividi potest in Ecclesia-
sticam

sticam & secularem: Homo enim considerandus est in suis præcipuis partibus, quibus conflatur, anima scil. & corpore: Sic aliis cura potior est vel excellentior rerum Spiritualium, earumque, quæ ad salutem animæ pertinent, aliis major corporis, & rerum quæ ad politiam & quietem rei publicæ, & quæ ejus sunt administrationis, spectant: Unde & duo genera universalia, unum clericorum est, spirituibus deditum & sacris inserviens, alterum Laicorum qui secularia curant & tractant: Quoniam itaque potestatem publicam Ecclesiasticam hic pertractare non est nostri instituti, ad alteram scil. secularem; illam aliis tractando relinquentis propero.

VI. Quæ secularis potestas omnibus non est æqua, nam sicut alii Magistratum majores, alii minores, ita quoque aliis conceditur major, aliis minor potestas, pro capitate sc. subjecti, cui inhæret!, nec obst. quod in l.32. ff. de injur. & l.26. ad munic. mincibus Magistratibus denegetur potestas: Notandum enim quando in dd. & aliis LL. dicatur quod Magistratus minores sint absq; potestate, per potestatem intelligi majorem & angustiorem autoritatem & excellentiorem jubendi facultatem, ut potestas & imperium quandoque pro Synon. habeantur, qualis potestas utique denegatur minoribus Magistratibus, dum vero minores Magistratus jurisdictionem exercent, & illi præsunt, quis iis denegabit potestam? nam certe jurisdictione absq; potestate, esset instar campanæ absq; pistillo, & cui jurisdictione data est, ea quoq; concessa esse videntur, sine quibus jurisdictione explicari non potest l. 2. ff. de jurisdict. puta potestas exequendi sententiam &c. Imo jurisdictione absque modica coercitione concessa, inanis, elusoria & nulla est l. 5. ff. de offic. ejus cui mand. est jurisd. l. ult. ff. ne quid. in loc. publ. & parum imo nihil esset jura in civitate esse

te esse, nisi sint qui ad effectum ea deducant, regant & ad usum societatis humanæ ac commodent l. 2. §. 13. de O. I.

VII. Quamvis autem vocabulum potestatis late quidem pateat, dum in persona Magistratum, imperium, in persona liberorum, patriam potestatem, in persona servorum, dominium; in aliis copiam & facultatem &c. deligent l. 215 de V. S. colligi tamen ex hypothesi facile poterit, præprimis præmissa divisione & subdivisione cui accedat, quod sc. hic per potestatem, publica secularis pro subiecta hac materia potissimum sit intelligenda, quamem potestatem non tantum habent illi, quibus major potestas concessa, quorum fit mentio in §. 3. I. de excus. tut. vel curat. sed illi quoque intelliguntur, qui minori fruuntur uti in thesi proxime præcedenti latius dictum, quo me referto: Neque l. 1. b. t. contrariatur, sed consentit, dum appositum est vocabulum aliqua, quæ nil nisi generalitatem inducit, ut sensus sit, quod omnis, qui potestate aliqua, quæque illa sit, gaudeat, tencetur criminе barattariæ, si quid accipiat, quo facile induc possit, ut magis faciat, quæ vi officii facere non debuisset, vel omittat ea, quæ ipsi facienda incumbuissent.

IX. Tertio deprehenduntur in l. 1. ff. ad L. I. R. personæ in curatione sc. reipublicæ existentes, qui gerunt honores & munera reipublicæ, promittentes rempublicam salvam fore l. 1. pr. ff. de Magistr. convenient. quales sunt, qui ingenii dotibus præstant, vel natalium splendore illustres sunt, adeo ut ea propter in hunc mundum quasi positi videantur, ut aliis opere & consilio præsint, quare quoque eorum officii est, rationem & modum addiscere, quo societas humana seu cætus publici utiliter administrentur; vulgo Cura-tores reipublicæ dicti, quorum mentio fit. in l. f. ff. de offic. ad- sess. l. 37. ff. de pact. l. 2. §. 6. ff. de administ. rer. ad civit. pertin. l. 3. §. 1. cod. l. 46. ff. de damn. infect. l. 2. C. de sent. qua sine cer- ta 56.

Ec. ad quam curam ac administrationem reipublicæ eliguntur viri fama integerrimi, qui præter honestatem atque commodum publicum nil spectant, non temere, sed rebus necessariis probe instructi, publica negotia capessenda suscipiunt, non doméstico laborant fumo, non avaritia magis quam justitia regunt, non justitiam pro injustitia spe remunerationis permutant, neque secundum pecuniam sed leges judicant & reipublicæ commodum curant.

IX. Verum enim vero quantum floreat, quantum vivescat, quam beata, quam felix sit respublica, si gaudeat talibus curatoribus & administratoribus, qui plus quam paterno rempublicam prosequuntur amore, qui diligentem ejus curam agunt, qui pro ea vigilant, & de eo nocteque dieque solliciti sunt, ut vitam agant subditi placidam & tranquillam, tantum econtra labefactatur, dissipatur & corrumpitur, quando luxuriosi, discordes, raptores injusti, avari regunt & in ea dominantur, qui eos, quibus præfecti sunt in munere & officio, miserrime vexant, pauperibus nil ferentibus, justitiam denegant. & econtradictioribus, ementibus quasi vel permutantibus, vel alio illico modo justitiam acquirentibus, eam largiuntur. Hinc Sanctissimus Imperator in toto tit. ff. ad L. I.R. l. 18. ff. de officio præsidis l. 4. §. 2. de officiis, procons. Et leg. Et alibi hinc inde in Dig. Et Cod. De remedio prospexit, quo mediante respublica a corruptione & interitu (quæ per avaritiam Curatorum seu Administratorum procuratur) si non in totum, in tantum tamen immunis sit, de quo remedio infra pluribus.

X. Rei quoque hujus criminis quarto fiunt Legati, ubi vocabulum Legati non solum comprehendit eum, qui publice ad hostes, ad confederatos, apud exercitum Legatus est, sed & omnis cui cura alicujus rei extra ordinem iuncta est, ut si quis legetur ad frumentum emendum l. 7.

§. 3. ad L. I. R. aut alia expedienda negotia: Unde Qv. si a municipibus quis sit ad Principem missus seu legatus, an teneatur hac lege: videbatur quod non, quia municipia habentur loco privatorum l. 16. ff. de V. S. in fine. ut ideo Legatus municipii non publico judicio sed extra ordinem coerceri videatur: Verum cum crimen hoc ad municipales quoque Magistratus pertineat, consequense est, ut & Legati municipiorum hac lege Julia teneantur & coerceantur arg. l. 4. l. 12. ff. de vacat. muner. l. 8. de Legationibus, licet enim proprie loquendo Municipii res non sit publica, in multis tamen pro publica habetur, & Legati municipiorum iisdem fere privilegiis, quibus Legati Principis aut populi Romani, gaudent l. 8. ff. ex quibus caus. maj. l. 1. C. eod. l. 19. pr. ff. de excusat. l. 4. & 12. ff. de vocat. & excus. mun. l. 8. §. 1. ff. de legation. l. 4. §. 7. ff. ad L. 5. pec. Nec refert (1.) quod secundum L. 1. ff. de Legation. poena afficiatur extraordinaria deserens legationem, Nam inde necessario inferri nequit, eum qui in legatione injuste quid acceperit, quo magis aut minus officium faceret, repetundarum non teneri. Nec officit (2.) quod ea tantum publica sint, quæ populi sunt Romani, non quæ civitatum l. 13. ff. de V. S. est enim d. l. intelligenda proprie & relate loquendo ad urbem Romam, quæ sola tanquam caput habet bona publica, abusive autem non tantum inter publica habentur res sacræ, religiose vel quæ publicis usibus sunt destinatae, sed & quæ sunt civitatum & peculia servorum l. 15. pr. & l. 17. ff. cod.

XI. Ut autem ad scopum nostrum redeamus an psc. Legatus in legatione possit munera accipere, sciendum omnino, quod magna ab acceptione munierum enascatur suspicio & presumptio perfidiæ & corruptionis, munera enim dicuntur prævaricatio veritatis C. qui recte 66. caus. II. qæst. 3. in fin. & animi hominum facile muneribus inescantur,

tur, obcœcantur capiuntur, fascinantur quasi, ut à cura ad incuriam à fide ad perfidiam, à veritate ad mendacia, ab officio superiori debito ad proditionem ejusdem detorqueantur *Deuter. 16. v. 18. & 19. Exod. 23. v. 6. 7. 8. 9.* ac munera accipere signum sit animi ad proditionem parati & cum adversariis consentientis. Vix enim aliquis ab alio, quam eo, cui bene vult munera accipit: Causæ patronus ab alio, quam suo cliente sine prævaricationis crimine honorarium non accipit: Mulierem ab alio, quam marito munera capere, impudicitia & inhonesti quæstus est indicium: Ita Legatus qui ab alio, quam ejus superiore salaryum, munus vel honorarium accipit, proditionis perfidia & legationis male obitæ suspicionem vix effugere potest, qua ratione nonnullæ gentes moræ, concedere noluerunt Legatis munera: Veneri enim graviter Legatis prohibuerunt munera accipere, ut & Dux Moschoviaæ qui Legatis ad se redeuntibus munera auferre solitus est, nec minus & simili modo Athenienses singularern tulerunt legem, ne Legati sub pœna gladii munera acciperent, & non modo tulerunt eam, sed quoque servarunt, adeo ut Legatus quidam, licet honorificam omnibusque probatam pacem cum Rege Persico fecisset, quoniam tamen in legatione munera accepisse visus fuerat, parum absuit, quin occideretur.

XII. Est tamen cum grano salis accipiendum, quod Legato munera accipere non sit licitum, & ut accuratius loquar, optime & commodissime hæc investigari & expediti poterunt, si sc. distinguatur inter munera benevolentia & honoris gratia data, & ea quæ corruptelæ causa dantur: Illa, honoris & benevolentia & gratia data, nil aliud sunt, quam mutuæ inter Principes amicitia symbola, Regiæque liberalitatis monumenta, quæ citra ullam perfidia suspicionem modestè accipi possunt, nec aspernanda neque recusanda sunt,

sunt, sunt enim munera ordinaria Legatis discedentibus dari solita, quod confirmant exempla plurima & probatissima: Beneficium namque dare & accipere honestum est, & maxime quidem, si illud à superiori, hoc autem ab inferiori fiat: Licitum itaque erit Legatis talia munera accipere, præprimis cum rusticitatis, inhumanitatis, morositatis, insolentiaz, superbiaz & extremi contemptus esse videatur, dona Principum recusare, modo casset corruptelæ, perfidiaz & dolii causa ac suspicio, nec caret periculo à Legatis Principem repulsam ferre, cum & non subesse possit corruptiōnis suspicio, sed fere debitum solvatur, est enim consuetudo antiquissima & omnibus pro nationibus consyeta atque familiaris, Legatis discedentibus dona ac munera dari & deferri.

XIII. Dolosa autem munera quæ ob corruptionem, incuriam, perfidiam, proditionem &c. perpetrāndam dantur, Legatus, si evitare velit pœnam, crimen Legis Juliaz rep. concomitantem, accipere non debet.

XIV. Absolutis brevibus & per tractatis personis in nostra lege in specie expressis, agendum nunc de iis, quæ in genere hac lege contineantur, de quibus verba legis se ita habent: Lex julia rep. pertinet, ad eas pecunias, quas quis in quocunque alio officio ministeriove publico capit, vel cum ex cohorte eorum est.

XV. Concernit igitur lex julia rep. in genere omnes, qui cum aliquam potestatem habent, sive aliquo officio ministeriove publico funguntur, pecuniam vel aliud quicquam accipiunt, quo magis aut minus quid eorum officiū faciant l. 1. 3. & 4. b. t. ut itaque & horum species nonnullas breviter percurram, notandum, quod non tantum præmoranțæ species officialium, sed & hi qui ob denuntiandum vel non denuntiandum, remittendum vel non remittendum,

dum, ferendum ve vel non ferendum testimonium, ob accusandum vel non accusandum, pecuniam acceperunt, hac lege teneantur & coerceantur *l. 6. in pr. ff. ad L. l. rep. l. 4. in fin. ff. de accusat.*

XVI. Ut & non minus illi, qui ob militem legendummittendum ve es accipiunt *l. 6. §. 2. ad L. l. rep.* qui falsum militum numerum referunt, qui de militum stipendiis sibi lucrum quærunt *l. ult. §. 8. & 9. C. de offic. præf. præt.* qui occasione & ratione transitus militaris per concussionem aliquid accipiunt *Nov. 130.* pœna legis jul. rep. sunt afficiendi.

XVII. Per analogiam quoque tutores & curatores, pupilos & minores, qui eorum tam ratione personæ, quam rerum, potestati & curæ sunt subjecti, defraudantes, hac lege tenentur, eorum enim munus & officium quasi publicum est *pr. I. de excus. tut. vel. cur.* nec refert, quod quidam ea forsitan moti ratione, quod potestas & jus constitutorum tutorum sit privatum ac domesticum, contrarium statuant: Licet enim tutorum potestas dicatur privata & domestica, hoc tamen tantum principaliter de actu ipso exercendi potestatem, in provida cura omnis honestæ ac liberalis educationis, & patrimonii pupillorum proba administratione consistente, intelligendum, per consequentiam vero & ratione officii constituendi, & criminis, quod quis in officio constitutus commisit, coercendi, publicum munus est, constituuntur enim tutores publica magistratus authoritate & ad publicam curam pertinet, ut pupillis propiciatur *l. 2. §. 2. qui pet. tut.* in omnibus negotiis gerendis & contractibus celebrandis incumbit Magistratui ceu tutori superiori inspectio, ut probe non dolose gerantur; tenentur tutores rationes reddere gestorum Magistratui, immo Magistratus in improbos tutores, res pupillorum ad se trahentes, &c. publice animadvertynt.

XIX. Nec Advocati immunes sunt ab hoc crimine, quando prohibitam advocationem suscipiunt l. i. §. 6. de postul. aut scienter malæ patrocinantur causæ, justam enim non injustam causam aut deploratam suscipere debent, adeo ut quoque deserere debeant malam causam & ab ea recedere, quam in principio bonam crediderant l. 14. §. 1. C. de judiciis nec fieri potest, quin peccent, dum malum, bonum, injustum, justum, vel contra dicunt, Esaiæ 5. v. 20. præprimis cum id cum maximo dedecore ipsorum conjunctum sit, ita ut de iis dicatur, turpes lites, turpiores habent advocates, undecunque lucrum captantes, debent igitur abstinere a dolo malo (qui est malitia in alterius damnum prorumpens l. i. ff. de dolo malo arg. l. 6. C. de pignor. act.) ad quem omnia illa, quæ legibus sunt verita, pertinent, veluti Mendacium, veritas enim magis, quam pecunia queri debet, usque adeo, ut si alterutrum sit factu necessarium, aut libi veritatem dicendo nocere, aut mendacium loquendo evadere, vir bonus, potius cum veritate vinci, quam cum mendacio vincere debeat, ut itaque falsi crimen publicum & punibile, advocate nec ipse practicare debeat, nec clientulum suum id docere, nec testes instruere, ut falsum deponant, licet veritatem rerum gestarum ab ipsis querere possim: Calumnia quoque odiosa est, non tantum illa, quæ in falsi crimen incidit l. i. §. fin. ad Sctum Turpill. sed etiam illa, quæ proprie cavillatio dicitur l. 177. ff. de V. S. quo referenda malitiosa vel calumniosa interpretatio juris, cum salvis legis verbis sententia circumvenitur l. 15. C. de LL. c. 3. circa finem de V. S. in sexto verb. nec intellectus ipsius & rigor legis scrupulosis & excogitatis artibus eluditur l. 14. §. fin. C. de adeff. Protractio litis, utope calumniæ proxima l. 13. §. 9. C. de judiciis, sive illa propter multitudinem causarum ex culpa & negligentia, vel ex dor-
lo &

lo & avaritia, cum lucri causa lites in longum protractantur, originem trahant, neque judex ambages in processu, neque libellum ineptum admittat. *I. ff. de offic. ad secess. peccat enim qui cum veritatem habet, per ambages vadit: Prævaricatio*, quando Advocatus causam sui clientis absque justa causa deserit, adversario suo prodit, & cum eo colludit, vel clientem suum bono jure nitentem ad iniquam transactionem inducit. *I. I. C. de advocat. divers. judic.*

XIX. Quæ tamen non de veram Philosophiam sive jurisprudentiam sed tabulariam tractantibus artem dici merentur, tabulæ autem forenses a veris jure Consultis longe differunt, illi enim non sunt legum doctores sed dolores, non jure consulti, sed tumulti, non sacerdotes sed iustitiæ mangones, quorum manus oculatæ sunt, credunt, quod vident, qui juramentum in initio officii præstitum non magis curant, quam antiquæ domus sumum.

XX. Possunt & huc referri illi, qui bonum litis eventum & sententiam favorabilem vel singularem gratiam ac benevolentiam Serenissimi vel aliorum Magnatum, quam ne tentarunt quidem, nec tentare audent, pecunia vel alia re accepta vel promissa saltem promittunt. *I. 10. C. de accusat.* vulgo fumi venditores dicti, qui fumum quasi vendant, dum illiciti lucri causa certo promittunt, quæ maxime incerta sunt & dubia, de quorum perversorum hominum fœce nonnulla exempla, rem eo magis illustrantia, allegare quidem possem, sed quia sunt odiosa, silentio pratermitto.

XXI. Äequali modo Magistratus & potestatem aliquam habentes non tantum ipsi, hac lege conveniri possunt, quando pecunia corrupti non agenda agunt vel agenda intermittunt. *I. ff. ad L. jul. rep.* sed & comites & qui ex cohorte eorum sunt, Assessores, Secretarii, Notarii &c. hac lege tenentur. *I. vel cum ex cohorte I. 5. ff. ad L. J. R.* quod quoque

quoque de sociis, consociis vel complicibus aliis, qui æque, ac judex vel officialis ipse, lege repetundarum conveniuntur / l. §. 1. ad L. Corn. de falsi: quales sunt uxor officiales, l. 4. §. 2. de offic. procon. domestici, manipularii, ministri &c. quod enim quis per alium facit per se ipsum fecisse videtur l. 5. ff. ne quis eum qui in jus l. 1. ff. de eo per quem, adeo ut officialis, qui ipse ut innocens sit, provideat, ergo & ministros suos ab omni injuria continere debeat Nov. 80. c. 8. pro his teneatur l. 1. §. 5. ad L. J. R. l. 1. C. eod. l. 1. pr. de publicanis, imputet enim sibi quod tam perversorum hominum opera usus fuerit, quos tamen punire & corrigere l. 12. C. de officio rectoris provinciae vel incorrigibiles dimittere poterat, quod tamen intelligendum tantum de poena civili, de qua infra prolixius, hoc tantum addendum, quod judex se liberare possit à tali poena, exhibendo ministros & familiares, nisi se pro his expresse obligaverit & in se receperit, sic enim conventio dat legem contractui. l. 23. de R. J.

XXII. Licet ordo accipientium pecuniam latius deduci ac dilatari possit, quoniam tamen odiosa potius restringenda, quam extendenda c. 15. de R. J. in sexto sufficienter hæc de personis pecuniam recipientibus & corruptis ut iustitiam loco iustitiae administrent, & progrediamur ad alteram classem dantes sc. pecuniam & corruptentes, qui æque ut recipiendo pecuniam corrupti, in hoc crimen incidunt per l. 2. §. 2. de conduct. ob turp. caus. quod non modo de iis qui quicquam judici, Magistratui vel alii cuidam dando, ut id, quod non est juris contra jus & iustitiam in sententiam ferendo pronuncient, occasionem præbuerint, intelligendum Nov. 124. c. 2. sed & adversus eos quoque, qui ad adipiscendam dignitatem præsidi quicquam dederunt, actio ad legem juliam rep. in quadruplum sc. exercetur l. 7. ff. l. fin. C. ad L. J. R. cum æquum sit eorum quoque dolum superup

lum ac maleficia impune non dimitti, neque provinciae re-
ctores & gubernatores sive officiales ambitione vel pretio,
sed viri sapientes & testimonio probatae vitae ad regendum
republicam promoveri, qui timent Deum & oderunt a-
varitiam, nec ullo honore dignus, sed omni honore pri-
vetur, qui illico modo per pecuniam vel alia artificia mi-
nime concessa honorem appetit, adeo ut quoque si quis con-
tra legem Julianam ambitus Magistratum aut sacerdotium
petierit per Senatus consultum centum aureis cum infa-
mia puniretur. *l. unic. §. 1. ff. ad L. J. ambitus*, & licet quis na-
ctus sit dignitatem illico modo, debet tamen iterum eā
privari, cum famosis & notatis porrā dignitatum non pa-
teant; Et quamvis à nonnullis Gentibus nundinationes per-
mittantur officiorum publicorum ad augendum ærarium,
non tamen quid Romæ fiat, sed fieri debeat, est animad-
vertendum *l. 12. ff. de offici presid.* est enim hic modus ærarii
augendi foedissimus, turpisimus & maxime detestabilis,
cum permesso uno & alterum permitti necesse sit, permissa
emptione officii permitti debet venditio justitiæ secundum
vulgarum illud de Papa Alexandro 6.

*Vendit Alexander Sacra menta, Altaria, Christum,
Emerat ille prius, vendere jure potest.*

Et uno principio illj cito dato & concesso oriuntur plurima,
pecunias ex Magistratibus colligere omnis iniquitatis & in-
justitiæ principium ac finis est *Nov. 8.* nec ullum omnium
sordidorum mercaturæ generum, quæ varia sunt, sordidi-
us, nullum turpius, nullum detestabilius mercatura Magi-
stratum, honorum ac per consequens justitiæ, virtuti e-
nim pecunia præfertur, & qui pecuniam dat pro tali bene-
ficio habendo præsumitur habere animum male faciendi,
præprimis, si muneri, quod mercatur, non sit idoneus, quod
hodie infrequens non est, quando apud plurimos plus va-

Iet aut pecunia, aut favor, aut effectus aut sanguis & hæc vel conjunctim vel separatim quam dotes divinæ, virtutes &c. juxta Vers.

Dignus & indignus pariter nunc ambit honores

Atque ablativus casus utrumque beat.

Denique notandum quod dum *in l.i. §. i. & l. 7. §. i. b. t.* sobri-
ni, propioreve gradu cognati ac uxor excipientur quod ab
illis pecuniam accipere liceat, ex eo sequatur quod qui Ma-
gistratum potestatemve exercet, à nullo potestati illi sub-
jecto sub quocunque prætextu pecuniam accipere liceat,
ne forte aliquando in gratitudinem muneris accepti pro
illis jura aliorum pervertant, quæ ratio cum in sobrinis pro-
pioreve gratu cognatis cesseret, eo quod sibi & suis jus dicere
nemo debeat *l. 10. de jurisd. tot. tit. C. ne quis in sua caus. jus di-*
cet, ideo ab illis qui propiori gradu Magistratui vel po-
testatem gerenti juncti sunt, munera in conjunctissimæ ami-
citiae signum accipere licet, dum per hæc nemini præjudi-
cium fiat.

SECTIO SECUNDA.

Th. I.

Brevitatis studio abrumpo hic filum, mittens primum
membrum nostræ dissertationis, materiam persona-
rum, tractaturus jam munera ipsa, sive res ob quas
seu quarum intuitu quis committat crimen barattariæ:
Quæ munera consistunt in pecunia *l. i. pr. b. t.* cum qua idem
est quando in nonnullis legibus dicitur per fordes id est ac-
cepta pecunia judicare; sunt enim fordes pecuniariæ cor-
ruptiones *l. 9. §. i. de recept. qui arbitr. recep. & fordidimagi-*
stratus sive judices pecunia & fordum consilio sententiam
proferunt unde fordum damnatus dicitur is, qui repetun-
darum damnatus est.

II. Pe-